

NOVI PRISTUPI U PRAKSI: IDEJE KOJE STVARAJU PROMJENE



Sadržaj

Uvod o projektu

1

Kutak za inspiraciju - karijerne priče studenata

2

Žene u šumarstvu - priče koje inspirišu

3

Put transformacije: održivosti i budući koraci

4





Uvod o projektu

Projekat „Inovativni putevi za učinkovito uključivanje djevojaka i mladih žena u sektor šumarstva“ (Fem2Forests) usmjeren je na jačanje uloge žena u šumarstvu i povećanje njihovog učešća u ovom sektoru do 2030. godine. Polazeći od potrebe za inkluzivnijim i raznovrsnijim šumarskim sektorom, projekat promoviše jednake mogućnosti kroz osnaživanje, edukaciju i podršku profesionalnom razvoju žena.

Fem2Forests okuplja 14 partnera iz devet zemalja dunavske regije i kofinansiran je od strane Evropske unije kroz Interreg Dunavski transnacionalni program. Kroz zajednički rad partnera razvijaju se inovativni pristupi koji imaju za cilj prevazilaženje postojećih prepreka i stereotipa, te stvaranje podsticajnog okruženja za aktivnije uključivanje žena u šumarstvo.

U Bosni i Hercegovini, projektne aktivnosti usmjerene su na podizanje svijesti o značaju šumarstva kao perspektivne i dinamične oblasti, posebno među mladima. Poseban fokus stavljen je na približavanje sektora djevojkama i mladim ženama kroz predstavljanje stvarnih karijernih puteva, pozitivnih uzora i konkretnih mogućnosti za obrazovanje i zapošljavanje.

Kutak za inspiraciju - karijerne priče studenata



500+

interakcija na društvenim mrežama



250+

skeniranja QR koda



8+

stručnih šumarskih škola
podijelilo je poster sa QR kodom

Pilot aktivnost „Kutak za inspiraciju – karijerne priče studenata“ imala je za cilj podizanje svijesti o raznolikosti karijera u šumarstvu kroz autentične digitalne priče uspješnih stručnjaka i stručnjakinja iz sektora. U saradnji sa pridruženim partnerom, Šumarskim fakultetom Univerziteta u Sarajevu, kreirana je posebna sekcija „Karijerne priče studenata“ na web stranici fakulteta, u kojoj je predstavljeno devet priča – šest žena i tri muškarca.

Priče obuhvataju različite profesionalne puteve – od istraživanja i akademske zajednice, preko rada u javnim institucijama i privatnom sektoru, do angažmana u međunarodnim organizacijama. Na taj način mladima je pružen realan uvid u raznovrsne mogućnosti koje šumarstvo nudi.

Kako bi sadržaj bio što dostupniji, QR kodovi koji vode do priča distribuirani su u srednje šumarske stručne škole, omogućavajući učenicima jednostavan pristup digitalnom sadržaju i direktnu povezanost sa inspirativnim karijernim pričama.



Žene u šumarstvu - priče koje inspirišu



40+

učesnica na događaju



7+

različitih ciljnih grupa



5+

zainteresiranih uspješnih žena
za F2F ambasador program na
nacionalnom nivou

Druga pilot aktivnost projekta bila je posvećena osnaživanju mladih žena kroz Nacionalni ambasador program. Cilj je bio istaknuti inspirativne primjere žena u šumarstvu, motivisati studentice i učenice da istraže mogućnosti u sektoru i postaviti prve temelje nacionalne mreže ambasadora.

U februaru je na Šumarskom fakultetu u Sarajevu održana radionica koja je okupila više od 40 učesnica iz različitih oblasti šumarstva – studentice, učenice i stručnjakinje iz različitih sfera sektora. Tokom panel diskusije, šest uspješnih žena podijelilo je svoje lične karijerne priče i profesionalna iskustva, pokazujući raznovrsne puteve u istraživanju, obrazovanju i praktičnom radu.

Ova aktivnost pružila je autentičan uvid u izazove i uspjehe žena u šumarstvu, potaknula razgovore o liderstvu i rodnoj ravnopravnosti, te predstavila mogućnosti za uključivanje u budući Nacionalni ambasador program. Pet mladih žena prijavilo se da postanu dio programa, čime je započela izgradnja mreže koja će podržavati i inspirisati novu generaciju profesionalki u šumarstvu.

Put transformacije: održivost i budući koraci

Pilot aktivnosti u Bosni i Hercegovini pokazale su da digitalne karijerne priče i Nacionalni ambasador program uspješno motivišu mlade žene da istraže šumarstvo kao perspektivnu karijeru i prepoznaju svoj potencijal u sektoru.



Šta smo naučili kroz pilot aktivnosti?



Autentične priče i iskustva žena u šumarstvu pomažu u razbijanju stereotipa i podizanju svijesti o mogućnostima razvijanja karijere u sektoru.




Uključivanje studentica, učenica i mladih inženjerki šumarstva kao budućih liderki sektora.



Umrežavanje i mentorstvo pružaju kontinuiranu i održivu podršku za profesionalni rast i razvoj.

Put transformacije: održivost i budući koraci



Koraci za osnaživanje i održivost pilot akcija?

RAZVOJ NACIONALNOG AMBASADOR PROGRAMA:

Uključivanje studentica i stručnjakinja iz sektora šumarstva kako bi se osnažila mreža žena u šumarstvu Bosne i Hercegovine.

UNAPREĐENJE EDUKATIVNIH DIGITALNIH SADRŽAJA:

Za škole i fakultete, kako bi inspiracija i primjeri iz prakse kontinuirano dopirali do mladih.

RADIONICE I ONLINE DOGAĐAJI:

Održavanje aktivne zajednice, razmjena iskustava i kontinuirana edukacija učesnica.

PRAĆENJE I EVALUACIJA UTJECAJA:

Osiguranje dugoročne održivosti projekta i prilagođavanje aktivnosti stvarnim potrebama mladih žena.



*Edukacijom i osnaživanjem
žena gradimo održivu i bolju
budućnost.*